

113 年全國語文競賽原住民族語朗讀 【拉阿魯哇語】 高中學生組 編號 3 號

ulavaisa tarutuahlicuaku tənəm

tənəm, kani'i maci ihlaku ami ia, mataingalə matalakiahləisana,
ucaniika kunaku akitan tənəmna. tənəmna, ihlaisa arumuka acacacihli
musa paranaisa. macahliaku, kani'i tənəmna, tamuucu maranarə, uka'aka
cəpəngaisa. atəhləngu tənəmna tamuucuaku hlipatəkəhlə. hlatumuaku
musa kumita tənəm.

apumia hlisuhlata hlipimia suhlatəna, tamuucuaku pumahləməhləngu,
tənəmna, tam valakucu, valacukuisa muruasihlangə, tamuucu məmə
makarimikimi, marəm hla maparicupucu, tamuucu
kuatalakiahlə maritara'əhla. tənəmna, ihlaisa maranarəisa, tuahlə
tualangaisana tarutatəkəhlə sakərahla hla hləhlungu. kani'i naia ausi cucu'u
mangusipina, ucanii maci musuarai sakərahləna, iniciki tuahlə kiracacani
mukakakua maramacua sipangəhləva. siuamia cucu'u mangusipina, tam
məlungəsə, kuakitika uamia 'ahliacuvungana, ma kani'i uamianana,
karəkəhlə muruamita ahliacuvungau languləngu ta'iara, tumuau pi
pahlumiamia musa patahliəngəcaisana, macuaku pəcəpəcəpəngu ia aunana
sitakuamiana, iniciki tuahləita aramuamuarə arataisa! kani'i sala'ana
kuatalakiahlə uamia, tarutatətatəkəhla taruatəhla, kupaiatuhluhlu ia

makacanikia milakupu. mucuu manganə mukakakua 'ahliacuvunga ia,
pasamanganə masakə, kuparapihli languləngəna malitənələ, kumakitacu
kupi patəpatəkua tənəm.

umaria ənəm caihli rumahlə, tarəanahlamu məcəkəhləka
tumahlə varu'u mamaini umaiiapə, hliarimiaisə
rianə mataingalə mavacəngu ihlaku. tamuucuku maliatənələ, pakiaturuaku
kuapsalivutu ihlaku, marumana patəkiku pasamanganə ihlaku, matumuhlua
hlivuraisə pakiaturuana mavacəngu təkə hla sipaiatuhluhla. mairahlu
hlipasamanganə ia marua mavacəngu hlita'iara, kani'i naani kiatarari,
atəhliku mavacəngu cukəhləngu. ma kani'i hliməngənguaku vatu'una,
tuahlicuaku matahlisaua tikiku, hlitakumacuku micalivi ihlaku hlitakacicihli.
kani'i pasamiana paracahlia ihlaku sitakuamia, kamicicu
pasamanganə pakipuhlu hlita'iara, maniki taisa sitakualənguləngəna
tuahlə tumasəkəra, tətərə hlitakumia pi hliulava! ihlaisa kana'a, inicaku
kumitan tənəm! tamuucuaku puamacu, kamicicu pacani
təkə pasamanganə, tətərə aramasahli maramacu sipangəhləvana.

我終於見到了大海

「海」這個詞語對我來說很熟悉，但我從未見過。海是波瀾壯闊、無邊無際的，我對海一直都充滿好奇心，渴望去看看。

通過書本的描寫，我清楚地知道海藍得透亮、很鹹、又苦又澀。海是廣闊的，它容納河、溪，就如我們的人生，只有跨越了小河，才能邁向成功的大門。人生漫漫旅程，困難常不經意出現，要你去攻破它，我想，大概只有這樣才能使我們成長。在旅途中，若你勇往直前，奮力得向上爬，不像困難屈服，那你就會見到無邊無際的大海！

六年級時，我們班轉來了許多學生，且成績都比我好，這讓我壓力百倍。我時常想：「這應該是老天給我的考驗吧！」感激的是，老師並沒有放棄我，還時常鼓勵我，因此我也很努力。當同學在玩耍時，我專心看書。一大早就起來、晚上做功課很晚才入睡。皇天不負苦心人，這次我取得了非常好的成績。心中的大石終於可以放下了，我超越了我自己。這讓我領悟到，只要付出努力，困難再大也能打破並獲得豐碩果實！那次，我終於見到大海了！